

034 Peh山的感想 //Nâ A-lâm (04/07thk改寫)

親像蠓 (báng) 仔咧唱歌，山頭有人咧叫--我；
那 (ná) 看那tshuē跛那徙 (suá)，愈行愈倚聲愈大。
相拄歡喜手來幔 (mua)，相招淋 (lim) 酒拳來喝 (huah) ；
出出入入無內外，來來去去閣 (koh) 有繼 (suà) 。

海墘、溪邊、石頭空、山坑仔、樹林仔、花草、青苔 (thî) ～～是咱祖先仔幾萬、幾千代所食、所穿的源頭，亦是個歇暍、tshit-退、傳世的所在，山頂、田岸的路痕仔猶有牢 (tiâu) 個出入、行踏所留--落來的跣跡。見若禮拜有時間去peh山，對入山的第一步開始，親像咧陷眠按呢，我攏看會著個的跣跡，聽會著個淋 (lim) 酒、唱山歌的聲音，有感覺著個歡喜的心情、哀怨的心聲，一遍閣一遍佇 (tī) 我的頭殼內玲瓏盪 (séh)，耳空邊一直哼 (hainn)，哼袂 (bē) 煞；有當時仔，我家己嘛有成 (sîng) 咧起童 (tâng) 按呢，摻 (tsham) 個做夥開講、滾耍 (sîng) 笑、招呼，講一寡仔年冬的好bái、收成的濟少做 tām-sám，加減講～～親情 (tsiânn) 嫁娶、人情世事的代誌做議量，精差無提薰 (hun)、檳榔出來請我食爾爾 (nâi-x)，啊若食飯、淋 (lim) 酒是上捷 (tsiáp) 的代誌；個這陣古早人的穿插恰 (kap) 我足相siâng，講的話摻我全款，無共 (kā) 我當做外人，所以我相信個恰我身軀內底所流的是全種的血，才會遐親，講遐有話，袂 (bē) 輸是全一家夥，出入家己的灶跣 (kha) 全一樣。

家己孤一个人，peh 一工的山，毋閣 (koh) 我袂感覺孤單，心肝頭顛倒鬧熱滾滾，無閒tshih-tshih 咧 恰個這陣無形無影，閣古意kah有賸 (tshun) 的古早人，tiàm頭殼內gô一 日tah-tah，是我上興閣上暢的空課，這款放揀 (pàng-sak) 袂離的心情，予我誠毋甘遮 (tsiah) 緊就告辭，一定愛互相約束閣見面的日子才有落山，毋是我gâu拖沙，嘛毋是個較纏，實在是這攏是我的親情五十、厝邊頭尾，嘛敢準是阮兜的門口埕、厝內底、灶跣間，哪著遐緊就行開--？

「山」就是祖厝，嘛是收留我的身魂唯一的所在，是個規陣人不時佇 (tī) 耳空邊喝 (huah) 我，袂輸咧叫魂全款，牽長聲閣會押韻，彼種的親切、綿瀾 (mî-nuā) 的叫聲叫入來血脈內底，衝入去五臟六腑，拚kah心肝撲撲 (phók-x) 叫，規身軀沖沖滾，予我無暝無日咧數念 (siàu-liām)、掛 (khuà) 心，強欲 (beh) tsih-tsat 袂牢 (bē tiâu) 。

就是這個緣故，我一禮拜若無入山去行--一誓（tsuā）仔，心肝底、頭殼內會礙謔鬱
悴（gāi-giòh ut-tsut），會做無空課（khang-khuè）、暎袂（bē） ka-tsuē，食啥乜
（mih）鎮定劑、愛暎藥仔攏無效，便有去peh山，閣（koh）較bái的心情嘛隨變好
--起來；有peh--是歡喜、樂暢過日，繼--落去就向（ng）望後禮拜閣啥一陣看袂相粘；
這到底是思情，抑（iah）是祖公仔的身魂咧做怪，致使我有這種想法，我嘛毋知影，
嘛講袂（bē）出原因；莫非~~真正是有鬼？若準是，kám有啥乜（mih）通驚咧！
（約900字）